


TEZĂUR LITURGIC

1 APRILIE

ACATISTUL SF. MUCENIC AVRAMIE BULGARUL DE LA VLADIMIR



MOSCOVA, 2000



Акафист
святому преподобному
Аврамию, мученику
Болгарскому, Владимирскому
чудотворцу

Кондак 1

Избра́нный страстоте́рпче Христо́в и
чудотво́рче предивный, во страда́нии твоём
вене́ц прие́мый от руки́ Вседержи́теля и со
а́нгелы предстоя́й Его́ престо́лу, пе́снями
восхваля́ем тя́ лю́бовию и мо́лим ти́ ся,
моли́твами твои́ми от вся́ких бе́д и скорбе́й
свобожда́й нас, тебе́ зову́щих:

Ра́дуйся, му́чениче и чудотво́рче Авраа́мие.

Икос 1

А́нгелов сожи́тель и челове́ков засту́пник
вои́стину яви́лся еси́, му́чениче достохва́льне,
благоволе́нием все́х Творца́ Христа́ Бо́га, Его́же
возлюби́л еси́ и за Него́ же пострада́л еси́ да́же

до кро́ве во испове́дании непоколеби́мем. Те́мже
приими́ от на́с сия́ хвале́ния:

Ра́дуйся, звездо́ пресве́тлая благоче́стия;
ра́дуйся, свети́ло, во тме́ нече́стия пресла́вно
возсия́вшее.

Ра́дуйся, злове́рия магоме́това обличи́телю;
ра́дуйся, ве́ры христиа́нския небо́язненный
пропове́днице.

Ра́дуйся, Ева́нгельскаго уче́ния до́брый
послу́шателю;

ра́дуйся, зако́на Госпо́дня тепле́йший
храни́телю.

Ра́дуйся, ку́плю вре́менную премени́вый на
стяжа́ние ве́чное небесное;

ра́дуйся, ве́ры Христо́вы би́сер многоце́нен
стяжа́вый.

Ра́дуйся, Христо́вым уче́нием ду́шу твою́
просвети́вый;

ра́дуйся, удосто́ивыйся благода́тного
осене́ния свы́ше.

Ра́дуйся, яви́выйся добродете́лей жили́ще,
преукра́шенное чистото́ю;

ра́дуйся, Ду́ха Свята́го обитель прекра́сная.

Ра́дуйся, му́чениче и чудотво́рче Авраа́мие.

Конда́к 2

Ви́дя Христо́с Госпо́дь ду́шу твою́, ко
прия́тию се́мени сло́ва Бо́жия чистото́ю и
ми́лостынею предугото́ванную, све́том позна́ния
Своего́ просвети́ тя, блаже́нне, я́ко Корни́лия
со́тника дре́вле, та́ко и твоя́ добродётели
преждебы́вша помяну́в любоблагоутро́бно,
спаса́емых ча́сти сотвори́ тя о́бщника в
Небе́сном Ца́рствии, иде́же со а́нгелы поёши
Пресвяте́й Трои́це пе́снь: Аллилу́иа.

И́кос 2

Ра́зум богопросвеще́нный дарова́ся тебе́,
Авраа́мие, имже́ я́сно проразуме́л еси́ тщету́
душепа́губную злове́рия магоме́това, и о́наго
уклони́тися, Христа́ же взыска́ти потща́лся еси́
вседу́шно; те́мже взыва́ем ти:

Ра́дуйся, блаже́нный после́дователю́ Христо́в;
ра́дуйся, любите́лю за́поведей Его́
преи́скренний.

Ра́дуйся, крине́ благоуха́нный ра́я
превы́шняго;

ра́дуйся, цве́те прекра́сный вертогра́да
Иису́сова.

Ра́дуйся, бога́тство земно́е ни во что́ же
вмени́вый;

ра́дуйся, стяжа́ния тле́нная презре́вый.

Ра́дуйся, ни́щия удовли́вый;

ра́дуйся, рука́ми убо́гих сокрови́ща твоя́ горе́
предпосла́вый.

Ра́дуйся, я́ко не уклони́лся еси́ в се́ть
лихоимáния;

ра́дуйся, я́ко неувови́м пребы́л еси́ мре́жею
сребролю́бия.

Ра́дуйся, му́дрый купе́ц Ца́рствия Небе́снаго;

ра́дуйся, ве́рный ра́бе, да́нный тебе́ мна́с
усугуби́вый.

Ра́дуйся, му́чениче и чудотво́рче Авраа́мие.

Конда́к 3

Си́ла Вы́шняго укрепи́ тя на по́двиг
страда́льческий, му́чениче святы́й Авраа́мие; не
терпя́ бо ви́дети па́губу ду́ш челове́ческих,
ре́вностию разже́глся еси́ по Бо́же живе, и ста́в
посреде́ то́ржища, небая́зненно обли́чил еси́
магоме́тову преле́сть, поуча́я собра́тий твои́х
благоче́стно ве́ровати во Христа́, за Него́ же и
страда́ти не уклони́лся еси́, зовы́й: Аллилу́иа.

И́кос 3

Име́я зловѣ́рием потемне́нныя ду́ши, не
восхоте́ша бо́лгаре прини́кнути в ра́зум словес
твои́х божѣ́ственных, но ру́це убийственныя на
тя возложи́вше, би́ением лю́тым содробля́ху тво́я
соста́вы. Мы́ же, ублажа́я страда́ния тво́я,
глаго́лем:

Ра́дуйся, Христа́ вседу́шно возлюбивый;
ра́дуйся, любо́вь к Нему́ язвами, за Него́
подъя́тыми, явивый.

Ра́дуйся, апо́столом поревнова́вый;
ра́дуйся, орга́н Свята́го Ду́ха бы́вый.

Ра́дуйся, благове́стия Ева́нгельскаго уста́
благоглаго́ливая;

ра́дуйся, словеса́ жи́зни ве́чныя провеща́й.

Ра́дуйся, би́ение лю́тое за пресла́дкаго ти́
Иису́са сла́дце претерпе́вый;

ра́дуйся, поруга́ние и досажде́ние за Него́
благоду́шно восприя́вый.

Ра́дуйся, я́ко во испове́дании Христо́ве
непоколебим пребы́л еси́;

ра́дуйся, я́ко ласка́ньми и прельще́ньми
непрекло́нен яви́лся еси́.

Ра́дуйся, страстоте́рпче, в му́жестве
неодоле́нный;

ра́дуйся, добропобе́днице, в терпе́нии
непрело́жный.

Ра́дуйся, му́чениче и чудотво́рче Авраа́мие.

Конда́к 4

Бу́рею зло́бы ды́шуще, нече́стивии бо́лгаре
терза́ху тя́, я́ко а́гнца незло́бива зве́рие дивии,
покуша́ясь му́ками отврати́ти тя́ от Христа́ ко
своему́ нече́стию; но ничто́же успе́ша
потемне́нии, си́лою бо свы́ше укрепля́емъ,
посрами́л еси́ о́ных ухищре́ние, посреде́ муче́ний
немол́чно испове́дуя Христа́, еди́наго Творца́ и
Бо́га, и вопия́ Ему́: Аллилу́иа.

И́кос 4

Слы́шав увещáтельныя тво́я глаго́лы,
мучи́телие тво́й, а́спидом глухи́м уподо́бльшеся,
сугу́быми ра́нами уязвля́ху те́ло твоё
много́терпели́вое, Авраа́мие свя́те, я́ко не бы́ти
на нём ме́ста це́ла и неуязвлена. Дивя́щеся у́бо
вели́честву терпе́ния твоего́, зове́м ти́:

Ра́дуйся, учи́телю благоче́стия;

ра́дуйся, посрами́телю нече́стия.

Ра́дуйся, ра́нами, я́ко у́тварьми
многоце́нными укра́шенный;

ра́дуйся, кро́вию тво́ею, я́ко багряни́цею,
оде́янный.

Ра́дуйся, всесо́жже́ние ту́чное себѣ Христу́
прине́сший;

ра́дуйся, за прелюбе́знаго ти́ Иису́са ду́шу
положи́вый.

Ра́дуйся, страда́нием сочета́выйся Христу́,
ра́ди на́шего спасе́ния распя́тому;

ра́дуйся, ликовству́яй в черто́зе небе́снаго
Домовла́дыки.

Ра́дуйся, у Престо́ла Бо́жия предсто́яй с
го́рними си́лами;

ра́дуйся, открове́нным лицѣм созерца́яй сла́ву
Трисия́ннаго Божества́.

Ра́дуйся, от ра́йских высóт приника́яй
благосе́рдием твои́м к на́м земноро́дным;

ра́дуйся, спаса́яй от бе́д ве́ру и любóвь к тебѣ
иму́щих.

Ра́дуйся, му́чениче и чудотво́рче Авраа́мие.

Конда́к 5

Богому́дрым пропове́дником апо́столом, за
и́мя Христо́во ра́ны ра́достно прие́мшим,
подража́л еси́ во страда́нии твоём, Авраа́мие,
вопи́я сопроти́в му́чащих тя: Христа́ чту́, Его́
еди́наго люблю́ и умре́ти за Него́ преи́скренне
жела́ю, да и с Ни́м живу́ во ве́ки, зовы́й:
Аллилу́иа.

И́кос 5

Ви́девше тя, злочести́вии мучи́телие бо́лгаре,
непрекло́нна и непобеди́ма испове́дника
Христо́ва, пе́рвее ру́це и но́зе твои́ отсеко́ша,
та́же и главу́ твою́ честну́ю мече́м отъя́ша, и
та́ко до́блестно тече́ние твоё сконча́в, преше́л
еси́ к оби́телем небе́сным, от нас же земны́х
слы́шиши похва́лы сия́:

Ра́дуйся, испове́дниче Христо́в непобеди́мый;
ра́дуйся, адама́нте терпе́ния крепча́йший.

Ра́дуйся, но́вый му́чениче, дрéвним вели́ким
му́чеником равноче́стне;

ра́дуйся, пресла́вный венцено́сче, горе́
увенча́нный.

Ра́дуйся, чудотворе́ния благода́тию от
Го́спода обогаще́нный;

ра́дуйся, целѣбъ подáтелю всеблагій.

Ра́дуйся, во благоухáнии свѣты́ни почивáяй;

ра́дуйся, арома́ты райскими облагоухáяй
ду́ши ве́рных.

Ра́дуйся, исто́чнице даро́в многоразли́чных;

ра́дуйся, реко́ приснотеку́щая чудес.

Ра́дуйся, милосѣ́рдия к стра́ждущим
сокро́вище неисто́щимое;

ра́дуйся, боля́щих врачевство́ неоску́дное.

Ра́дуйся, му́чениче и чудотво́рче Авраа́мие.

Конда́к 6

Пропове́стся в странѣ́ Россійстей до́блесть
по́двигъ твоего́ страда́льческаго, му́чениче
всехва́льный; те́мже слы́шав твою́ кончи́ну
сла́вную и чудотворе́ний твои́х благода́ть,
благове́рный вели́кий князь Гео́ргий восхоте́
стяжа́ти тя засту́пника сто́льному гра́ду своему́
Влади́миру, в онъ же мо́щи твоя́ от бо́лгар
прине́сти потща́ся, зовы́й венча́ющему
му́ченики Христу́ Бо́гу: Аллилу́иа.

И́кос 6

Воссия́л еси́ пресла́вно чудотворе́ния луча́ми,
по пренесе́нии моще́й твои́х честны́х, Авраа́мие

свѣте, во градъ Владѣмир, ѿже о́ными свѣтло красу́ется, ꙗко сокрови́щем многоце́нным; мы же, чту́щии тя, ра́ку твою́ многоцеле́бную любезне обстоя́ще, зове́м ти:

Ра́дуйся, гра́да на́шего похвало́ и утвержде́ние;

ра́дуйся, оби́тели Богома́терния, в не́йже почи́аеши, прѣсно́е заступле́ние.

Ра́дуйся, подви́зающимся в не́й благода́тное вспомо́жение;

ра́дуйся, о́ных покрове́ и защи́щение.

Ра́дуйся, неду́гующих ско́ро предста́тельный целе́бниче;

ра́дуйся, уны́вающих благонаде́жное возбу́ждение.

Ра́дуйся, скорбя́щих всежелáтельное утеше́ние;

ра́дуйся, ни́щих изоби́льное бога́тство.

Ра́дуйся, боля́щих младе́нцев исцеле́ние;

ра́дуйся, изнемога́ющих укрепле́ние.

Ра́дуйся, ревну́ющих о благоче́стии помо́щниче;

ра́дуйся, пребыва́ющих в по́стѣ и моли́тве
споспе́шнице.

Ра́дуйся, му́чениче и чудотво́рче Авраа́мие.

Конда́к 7

Хотя́ человеколю́бец Госпо́дь яви́ти щедро́т
Свои́х оби́лие странѣ Росси́йстей, дарова́ нам
тебе́ страсотѣрпца но́ваго и моли́твенника
богопри́ятнаго, чуде́с благода́ть источа́юща и
неду́жных безме́дно врачу́юща; те́мже
благодаримъ тобо́ю благода́ющаго намъ Го́спода и
свѣтло праж́днуемъ честны́хъ моще́й твои́хъ
пренесе́ние, къ нѣмъ съ любо́вию припада́юще и
Христу́ зову́ще: Аллилу́иа.

И́кос 7

Но́ваго тя́ му́ченика и до́бляго страда́льца,
Христо́ва испове́дника и чудотво́рца сла́внаго,
любо́вию ублажа́ем, и раду́ющеся о твоѣмъ къ намъ
прише́ствии, глаго́лемъ:

Ра́дуйся, деннице́ лучеза́рная, от бо́лгар во
Влади́мир градъ прите́кшая;

ра́дуйся, лучу́ немерца́ющий со́лнца пра́вды
Христа́.

Ра́дуйся, уго́днице Госпо́день, предивны́й въ
чудесе́хъ;

ра́дуйся, пра́ведниче, просла́вленный на
небеси́ и на землѣ.

Ра́дуйся, нетле́нием мо́щей твои́х в ѣсти́не
воскресе́ния ме́ртвых уверя́я;

ра́дуйся, о́браз безсме́ртна в сме́ртном телеси́
показу́я.

Ра́дуйся, я́ко тебе́ дана́ бы́сть благода́ть за ны́
моли́тися и возбу́ждати на́с ко благо́м деломъ;

ра́дуйся, я́ко и по преста́влении твоёмъ
благоде́яние тре́бующимъ подава́еши.

Ра́дуйся, от сме́ртоно́сныхъ я́зв и боле́зней
притека́ющихъ к тебе́ сохра́няя;

ра́дуйся, бе́дствующимъ и оби́димымъ
помога́я.

Ра́дуйся, боголю́бивыхъ ду́ш непосты́дное
упова́ние;

ра́дуйся, лю́бящихъ тя́ прѣ́сное утеше́ние.

Ра́дуйся, му́чениче и чуде́творче Авраа́мие.

Конда́к 8

Стра́нно е́сть ви́дети ме́ртвенное те́ло, жи́знь
присносу́щную явля́ющее, во гробѣ́ лежа́щее и
неду́ги врачу́ющее; но, му́чениче Христо́в
Авраа́мие, мо́щами твои́ми святы́ми в хра́ме се́мъ

почива́яй, ве́руем несомне́нно, я́ко и ду́хом твои́м не отлуча́еши́ся от нас недосто́йных, честну́ю ра́ку твою́ с лю́бовию обстоя́щих и Христу́ благода́рне зову́щих: Аллилу́иа.

И́кос 8

Ве́сь в вы́шних еси́, свя́тче Бо́жий, во све́лости святы́х торже́ствуеши́ и наслажда́еши́ся неизрече́нных бла́г небе́сных; ве́мы же, я́ко и нас земны́х и пе́рстных не забыва́еши, но от го́рних вы́сот ми́лостивно к нам при́никаеши́, подви́зая нас че́ствовать тя́ си́ми похва́лами:

Ра́дуйся, благо́чества утвержде́ние;

ра́дуйся, правосла́вия похва́ло.

Ра́дуйся, земли́ Росси́йския благода́тное осене́ние;

ра́дуйся, гра́да Влади́мира све́тлое ра́дование.

Ра́дуйся, многострада́льная розго́ виногра́да Христо́ва;

ра́дуйся, гра́ждани́не го́рняго гра́да, Иеру́сали́ма Небе́снаго.

Ра́дуйся, в пресла́вном му́ченическом ли́це пребыва́яй;

ра́дуйся, ра́я жи́телю всеблаже́нный.

Ра́дуйся, Ца́рствия Христо́ва насле́днице;

ра́дуйся, ве́чныя блаже́нныя жи́зни
соприча́стнице.

Ра́дуйся, прибёжище на́ше и защище́ние;

ра́дуйся, ско́рое и безме́здное неду́гов
врачева́ние.

Ра́дуйся, му́чениче и чудотво́рче Авраа́мие.

Конда́к 9

Вси́ А́нгели Небе́снии восприя́ша тя́ ра́достно
во оби́тели ра́йския, страда́льче богому́дре
Авраа́мие, иде́же свята́я твоя́ душа́, огнём
страда́ния искуше́нная, по́честь побёдную
восприя́т от Христа́ Бо́га на́шего, пра́веднаго
мздовозда́теля подвижа́ющихся за и́мя Его́
свято́е на земли́; прославля́я бо их на Небеси́, с
Го́рними вои́ у Престо́ла Своего́ предстоя́ния
сподобля́ет, иде́же поётся Ему́ немóлчная пёснь:
Аллилу́иа.

И́кос 9

Витийством злочестивым и прельщением
лукавым неувлечён пребы́л еси́, страстоте́рпче,
изво́ливый па́че умре́ти, не́же Христа́ и ве́ры в

Него́ святы́я отрещи́ся, те́мже, я́ко до́бляго
испове́дника Христо́ва, ублажа́ем тя́ и зове́м:

Ра́дуйся, пречу́дное му́жество яви́вый;

ра́дуйся, я́ко просвеще́н бы́л еси́ зарёю
Пресвята́го Ду́ха.

Ра́дуйся, я́ко стра́х малоду́шный от себё
отря́сл еси́;

ра́дуйся, я́ко щито́м ве́ры огради́лся еси́.

Ра́дуйся, неумолка́ющий благове́стниче си́лы
Бо́жия, в немо́щи челове́честей соверша́ющиеся;

ра́дуйся, и́стинный покло́нниче, ду́хом и
и́стиною кла́няйся Творцу́.

Ра́дуйся, му́жу желáний духо́вных,
взыска́вый Христа́ в стране́ нече́стия
магоме́това;

ра́дуйся, отри́нувый богопроти́вную о́ную
преле́сть.

Ра́дуйся, ку́плю де́явый вре́менную, вку́пе же
и ве́чную, небёсную;

ра́дуйся, стра́нники и ни́щия пита́вый от
трудо́в твои́х пра́ведных.

Ра́дуйся, елее́м ми́лости умаще́нная главо́;

ра́дуйся, горó добродéтелей, орошénная крóве
страдáльческия излия́нием.

Ра́дуйся, му́чениче и чудотво́рче Авраа́мие.

Конда́к 10

Спасти́ся на́м преи́скренне жела́я, мо́лишися
за на́с горé у Престо́ла Бо́жия, страдáльче
Христо́в Авраа́мие, и тво́ими моли́твами
посо́бствуеши на́м в стра́нствии многотру́днем
земна́го жити́я, е́же в покая́нии и благоче́стии
сконча́ти, да сподо́бимся с тобо́ю воспева́ти
Христу́ и Бо́гу на́шему: Аллилу́иа.

И́кос 10

Стéну защи́щения стяжа́вше тво́я святы́я
моли́твы, Авраа́мие чу́дне, ра́дуемся грéшнии и
чтём любо́вию па́мять твоего́ усекновéния и
мощéй твои́х святы́х пренесéния, зову́ще:

Ра́дуйся, великоименíтый на́ш заступ́ниче;

ра́дуйся, небожителю богопросвещénный.

Ра́дуйся, чудотво́рче дивный и ми́лостивый;

ра́дуйся, благий послу́шателю сущих в
скóрбех.

Ра́дуйся, предвари́яй проше́ния
призыва́ющих тя в беда́х;

ра́дуйся, грѣшных ко исправлѣнію
приведѣніе.

Ра́дуйся, міро врачѣбное недугом
многообразным;

ра́дуйся, не то́кмо телѣсных, но и душе́вных
болѣзней изрядный целітелю.

Ра́дуйся, духо́в нечи́стых от челове́ков
прогонітелю;

ра́дуйся, даро́в благодѣтных незавістный
пода́телю.

Ра́дуйся, благоуханіем мо́щей твои́х
улажда́я души на́ша;

ра́дуйся, чудесы́ твоими утвержда́я нас во
и́стине святы́я правосла́вныя ве́ры.

Ра́дуйся, му́чениче и чудотво́рче Авраа́мие.

Конда́к 11

Пе́ние моле́бное и похвалу́ сию́ смире́нную не
пре́зри, му́чениче; се́ бо ве́рою и любви́ю к тебѣ́
подвиза́еми, ра́ку мо́щей твои́х собо́рне
обстоя́ще, ублажа́ем тя, заступника на́шего, и
мо́лимся: моли́ся за ны́ вы́ну ко Го́споду, ве́мы
бо к Нему́ твоё невозбра́нное дерзнове́ние и
твои́х моли́тв благодѣ́тное де́йство. Имѹ́ще
такова́го предста́теля, благода́рно зове́м

дѣ́вному во свѣ́тыхъ Своѣ́хъ Бо́гу на́шему:
Аллилу́иа.

И́кос 11

Светоно́сным Тро́ическим сия́нием горе́
оси́янный, Авраа́мие свѣ́те, озари́ на́ша сердца́,
тьмо́ю грехо́вною покровѣ́нная; да елѣ́ем благо́хъ
дѣ́л возже́вши угасши́я свети́льники на́ша,
сподо́бимся бра́чнаго Христо́ва черто́га, иде́же
ты́ вселя́еши́ся со свѣ́тыми и слы́шиши сия́ от
на́с благохвалѣ́ния:

Ра́дуйся, Бо́гом да́нный покрови́телю на́ш;
ра́дуйся, анге́лоподобный челове́че.

Ра́дуйся, нищелю́бче благословѣ́нный;
ра́дуйся, страннопри́имниче, дре́внему о́ному
праотцу́ Авраа́му уподо́бля́йся.

Ра́дуйся, я́ко рука́ твоя́ изоби́льно помога́ше
нужда́ющимся;

ра́дуйся, я́ко му́дре расточа́л еси́ бога́тство
тле́нное.

Ра́дуйся, о́ное преме́нивый на нетле́нныя
небе́сныя бла́га;

ра́дуйся, наслажда́йся блаже́нства
ми́лостивых.

Ра́дуйся, предсто́яй А́гнцу Бо́жию в ли́це му́ченичеством;

ра́дуйся, ликовству́яй в селéнии пра́ведных.

Ра́дуйся, во страда́нии твоéм до́блесть чу́дную яви́вый;

ра́дуйся, я́звы Го́спода Иису́са Христа́ на теле́ твоéм носи́вый.

Ра́дуйся, му́чениче и чудотво́рче Авраа́мие.

Конда́к 12

Благода́ть и ми́лость испроси́ нам у Христа́ и Бо́га на́шего, святы́й и сла́вный страстоте́рпче Авраа́мие; ве́руем бо несомне́нно, я́ко е́же про́сиши, да́рует ти́ всеблагий Влады́ка; те́мже и о на́с гре́шных умоля́ти не преста́й Его́ благоутро́бие и испроси́ нам да́р коемúждо благопотре́бен, да зове́м все́х благих вино́внику и даропода́телю Бо́гу: Аллилу́иа.

И́кос 12

Поéм твою́ страда́льческую кончи́ну, сла́вим твои́х честны́х мощей от бо́лгар во Влади́мир пренесе́ние, от ни́хже то́ки чуде́с источа́еши непреста́нно, подви́зая зва́ти тебе́:

Ра́дуйся, Арха́нгелов и А́нгелов сослужите́лю;

ра́дуйся, патриа́рхов и проро́ков
спредстоя́телю.

Ра́дуйся, апо́столов единоре́вннтелю;

ра́дуйся, му́чеников красото́.

Ра́дуйся, святи́телей и преподо́бных
собесе́дниче;

ра́дуйся, пра́ведных и все́х святи́х сожи́телю.

Ра́дуйся, я́ко свы́ше чуде́с дея́нии украси́лся
еси́;

ра́дуйся, в честны́х и многоцеле́бных моще́х
свои́х вы́ну с на́ми пребыва́яй.

Ра́дуйся, о́ными пресла́вно чудоде́йствуяй;

ра́дуйся, отра́до на́ша и в ско́рбех утеше́ние.

Ра́дуйся, недугую́щих исцеле́ние;

ра́дуйся, согреша́ющих исправле́ние.

Ра́дуйся, му́чениче и чудотво́рче Авраа́мие.

Конда́к 13

О пресла́вный страстоте́рпче Христо́в
Авраа́мие, ми́лостиво прие́мши си́е ма́лое
моле́ние на́ше, умоли́ Царя́ ца́рствующи́х и
Го́спода господа́ствующи́х, Христа́ Бо́га на́шего,
изба́вити на́с от вся́кия ско́рби и ну́жды в

жизни сей и мучений вечных по скончании нашем, да сподобимся в Царствии Небесном вкупе с тобою пети Ему: Аллилуиа.

Этот кондак читается трижды, затем икос 1-й и кондак 1-й.

Молитва

Святый мучениче Авраамие, доблий воине Христа Царя Небеснаго, в скорбех и напастьех преславный наш помощниче и защитниче! Ничтоже возможно отлучити тя от любви ко Господу Иисусу: ни лестныя обещания благ временных, ни прещения, ни муки от злых врагов святейшия Христовы веры; ты, яко лев, изшел еси на брань противу волков мысленных, духов злобы, подвигших на тя, ради добраго твоего исповедания, единоплеменный тебе народ болгарский, и, яко огненная стрела, тех поразил еси силою благодати Святаго Духа, и крепкия, яко смерть, любви твоея к Богу. Аще и пролиал еси кровь твою за Христа Бога нашего, погубив временную жизнь, обаче безсмертною душею, яко орел, воспарил еси в горния обители Отца нашего, наследовав там вечную жизнь, славу и блаженство неизреченное, и оставив нам нетленные мочи твоя, яко крин многоценный и

благóуханный. Вѣруем, страсотѣрпче святы́й, ꙗ́ко предсто́я со а́нгелы и все́ми святы́ми Престо́лу Сла́вы Триипоста́снаго Бо́га, усѣрдныя и богопріятныя возно́сиши моли́твы не то́кмо о нас, о святе́й оби́тели се́й и гра́де на́шем, но и о все́й святе́й Христо́вей Це́ркви и о правосла́вней Ру́сской держа́ве. Вѣруем, пресла́вный чудотво́рче, ꙗ́ко ты, си́лою всемогу́щаго Го́спода Иису́са Христа́, чрезъ святы́я мо́щи твоя́, источа́еши оби́льныя да́ры благодатныя по́мощи во спасе́ние все́м с вѣрою к тебѣ притека́ющим, наипа́че же испра́шиваеши кончи́ну с пока́нием тебѣ чту́щим, и благосѣ́рдно помога́еши немощны́м младе́нцем, да вси́ от ма́ла до вели́ка единоду́шно прославля́ем неисповеди́мое вели́чие бла́гости Бо́жией. Те́м же вѣрою и любóвию ко святы́м мо́щем твои́м припада́юще и благоговѣ́йно о́ныя лобыза́юще, умоля́ем тя, до́брый на Небеси́ на́ш моли́твенниче и засту́пниче, помога́й на́м грѣшным и смире́нным твои́ми моли́твами во все́х скор́бех, ну́ждах и обстоя́ниих на́ших, сохраня́й нас, святу́ю оби́тель сию́ и гра́д се́й от вся́каго зла́ и вся́кия напа́сти, наипа́че же споспешеству́й вѣ́чному спасе́нию на́шему и все́х прося́щих от тебѣ по́мощи и заступле́ния.

Ей, смире́нно мо́лим тя, уго́днице Бо́жий, моли́ Христа́ Бо́га на́шего, да да́ст Он ми́р и ти́шину́ все́м правосла́вным христиа́ном и да отврати́т от на́с вся́кий гне́в, на ны́ дви́жимый, да изба́вит на́с от се́тей вра́жиих, томле́ния во у́зах греха́ и муче́ний а́довых, и да сподо́бит на́с недостойных одесну́ю Себе́ ста́ти на суде́ Своём пра́веднем и вни́ти в ве́чный поко́й святы́х Его́, иде́же прáзднуюющих глáс непреста́нный и неизрече́нная сла́дость зря́щих добро́ту лица́ Его́; и та́ко возмо́жем с тобо́ю и все́ми святы́ми прославля́ти Отца́ и Сы́на и Свята́го Ду́ха, Тро́ицу Единосу́щную и Неразде́льную. Ами́нь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО